

էջմ. № 408 նժ. Նարեկից, որոնք գրուած են այս վանքում և օգտագործել ենք իւր տեղում: Հաւանական է նաեւ համարուի, սակայն, որ ԺԳ. դարի կէսերից մինչև ԺԴ-ի կէսերը արձանագրութիւններով հարուստ մի վանքում, ուր եղել են և առաջնորդ «վարդապետներ», այդքան ամուլ լինէր ձեռագրական արուեստի կողմից: Ինչպէս էլ լինի, իրողութիւն է, որ վանքի դիրքը ԺԳ. դարի կէսերից յետոյ՝ շատ երկրորդական էր. այս ընդհատումից յետոյ շատ չնչին և կցկտուր մի քանի տեղեկութիւն ունինք միայն այստեղ կեանք լինելու մասին: Տաճարի արեւելեան կողմը ՊԵ (= 1356) թուականից է Սարգիս քահանայի տապանագիրը (Ա. 175). ՋԴ (= 1455) թուից Ամիր(?) Սարգսի խաչքարն է իւր ծնողների և որդու յիշատա-

կին՝ հարաւային գերեզմանատանը. Խաչատուրի և իւր կենակից Արղուքանի յիշատակին է ՌԳ (= 1554) թուականի խաչանիշները տաճարի հիւսիսային պատին ներսից. Շահումանի խաչքարը տաճարի արեւելեան կողմը (Ա. 176, 177, 178): Այստեղ է և Մահեանա քահանայի անթուական տապանագիրը. «Քս. ողորմի Մահեանա քահանայի», որ գուցէ ԺԴ. դարից լինի:

Ձեռագրական մի յիշատակարան միայն ունինք այսքան երկար ժամանակի համար. Թանափ վանքի Յովհաննէս կրօնաւորը 1491 թուին գրել է մի ձառնոց Գեղամայ Գաւառ գիւղում(*):

Ահա մեր բոլոր տեղեկութիւնները վանքի վերջին դարերի կեանքի մասին:

Ե.

ԿՈՒՔԻ ԵՒ ՈԾՈՊԱՅ ՎԱՆՔԵՐԸ

Սաղբակեանց կամ Պոռչեանց տոհմի հոգեւոր կեդրոններից մէկն էլ Կուքի վանքն է, այսպէս կոչուած տեղի անունով, մինչդեռ արձանագրութիւնների և յիշատակարանների մէջ Հազարաբլուք է յիշուում: Կուքին գտնուում է համանուն գետակի ափունքների մօտ և համանուն կամ Սանգեար լեռան ստորոտում, մի գոգաւոր, գեղազարդ անկիւնում: Պողատու ծառերի պարտէզները զարգարում են գիւղի միջով անցնող գետակի ափերը, յատկապէս խնձորի, տանձի և դարաւոր, հաստաբուն ընկուզենիները: Կլիման սքանչելի և առողջարար, որովհետեւ պատսպարուած է Կուքի բարձր սարով հիւսիսային քամիների դէմ:

Վանքը պարսպապատ է քառանկիւնի ձևով. մեծ դարբասի բացուածքը հարաւից, խոկ աւելի փոքր դուռը արեւմուտքից: Հարաւային դարբասին մօտ, բազի մէջ, աղբիւրի վերան շինուած է մի մատուռ, խոկ բուն եկեղեցին աւելի դէպի հիւսիս, զրսից սըրբատաշ քարով, խոկ ներսից քար ու կրով. պարսպին կից արեւմուտքից և հարաւից խցերն էին ընկած: Եկեղեցին փոքր է, չորս ափսիղներով, որոնց կամարները իրենց ներքեւի մասում միացած միմեանց հետ անմիջապէս, հապուազիւտ երեւոյթ մեր եկեղեցական ճարտարապետութեան մէջ. արեւմտեան կամարով եկեղեցին միանում է գաւթի հետ, դալանաձեւ երեք կամարներով կապուած: Գաւթին աւելի ընդարձակ է,

քան եկեղեցին, և աւելի ուշ ժամանակի, հաւանօրէն, ԺԷ. դարի:

Վանքը շատ ազքատ է արձանագրութիւններով. հնագոյնը մի խաչքար է 1215 թուի արձանագրութեամբ, այն էլ վանքի սահմաններից բաւական հեռու ջրաղացի ձորում. երկրորդը 1287 թուականից, որ կանգնել է Պոռչի աւագ որդին՝ Պապաքը իւր ամուսնու կենդանութեան համար (Յաւել. Ա. 180): Երեւի, այս երկրորդ արձանագրութեան հիման վերայ Սմբատեանը(**) վանքի հիմնարկութիւնը կապուած է նոյն իշխանի անուան հետ, որ իրական, ապացոյց լինել կարող է այդպիսի կարծիքի համար: Ուրիշ արձանագրութիւն չգտանք վանքի հիմնարկութեան մասին, խոկ նա Պապաքի այս արձանագրութիւնն էլ առանձին չի յիշում: Վանքի պատերի վերայ միայն մի արձանագրութիւն ունինք 1291 թուից, որով տեղեկանում ենք թէ Վրթանէս և Աղուտ ամուսինները հարիւր ղեկան են տուել «Ի Ռ: բլուքս» և միաբանները երկու ժամ նշանակել (Յաւել. Ա. 181). խոկ արեւմտեան պատին մէջ հաստատուած է մի փոքրիկ, գեղեցիկ և նրբաքանդակ խաչ, որի մի կողմից գըրւած է «թվ. 2: Խ. Ե.», խոկ միւս կողմից՝ «Աճ ողոր-

(*) Գաջրերունի, Արարատ, 1889, եր. 104:
 (**) Երնջակ, եր. 485: